

## **Appel da l'Archiv cultural Engiadina Bassa a la populaziun d'Engiadina Bassa**

Daspö passa desch ons exista l'Archiv cultural Engiadina Bassa (ACEB) illa anteriura chasa da scoula dal cumün da Tschlin situada a Strada/S-chadatsch. Il böt da la società ACEB es da ramassar documainta da valur istorica e culturala in nosssa regiun, da tilla registrar, archivar e metter a disposiziun al public. La registraziun succeda a man d'ün program professiunal sülla plattafuorma <http://search.kulturarchiv.ch/>. Là po minchün/a far retscherchas ed obtgnair l'infuormaziun davart mincha singul dals passa 13'000 documaints chi sun registrads fin hoz in nos archiv. Id es natüralmaing eir pussibel da visitar l'archiv a S-chadatsch e da leger, fotocopchar o fotografar documaints.

Nos appel a la populaziun es da surdar documainta veglia a nos archiv per cha no possan mantegner ils bains culturals da nosssa regiun. I's tratta da documainta sco corrispondenza, contrats, diaris, fotografias, films, plans, manuscrits da tuot gener, cudeschs e publicaziuns rumantschas o chi trattan temas regionalis. Eir documaints da societats sco p. ex. fotografias o cudeschs da protocol pigliaina gugent incunter. Suvent surpigliaina eir interas collecziuns o relaschs da persunas chi han ramassà documainta privata o eir publica. Uschè esa sgürà cha quista documainta resta insembel e vegna conservada in möd professiunal.

Massa suvent succeda cha roba veglia vain büttada davent per exaimpel cur chi vegnan rumidas chasas. Per la gliעד pertocca nun esa natüralmaing simpel da savair che chi'd es d'interess per tegner in salv e suvent manca eir il temp per cleger oura quista documainta. In tals cas gnin nus gugent süil lö a güdar a sortir la documainta e tilla tour cun no i'l archiv.

Sün nosssa pagina d'internet [www.archivcultural.ch](http://www.archivcultural.ch) illa rubrica “contacts” chattan els/ellas las adressas da las persunas chi lavuran i'l archiv ed eir üna glista da persunas da contact i'ls singuls cumüns chi dan gugent sclerimaint.

No ingrazchain per lur interess e sustegn!